

თავაზი ძველი სიბიტი

მაგდა ლაქიაშვილი

ახალი საარჩევნო კოდექსის მთავარ მიღწევად, როგორც პოლიტიკური სპექტრი, ისე საქართველოში ჩამოსული საერთაშორისო ექსპერტები, სიბიტის დაზუსტების სახელმწიფო კომისიის შექმნას ასახელებენ. მაშინ, როდესაც ეუთო-ს პრეზიდენტი, ევროკავშირის ელჩი საქართველოში და სხვა მაღალი თანამდებობის პირები წინასაარჩევნოდ დახვეწილ სიბიტზე მიუთითებენ, ერთ-ერთი ამერიკული არასამთავრობო ორგანიზაცია ხარვეზებზე საუბრობს.



ლია დემოკრატიის კომიტეტის პოლიტიკური კონსულტანტი ტერი ბენშეი

ბაზრძალაბა
80-3 ბავარდუა

ინტარნეტის გაუვნებელიყოფა

რუსეთში მთავრდება წინადადებების შემუშავება კანონისთვის "უკანონო ინფორმაციის მიღებისგან ბავშვთა დაცვის შესახებ" საბოლოო სახის მიცემის თაობაზე. კომუნიკაციების სამინისტროსთან დაახლოებული წყარო ამტკიცებს, რომ ორმხრივი გადანაცვლებების ხელისუფლებასა და ინტერნეტგაერთიანებას შორის უკვე ნაპოვნია. ყველა საიტზე მოხდება უკანონო ინფორმაციის ბლოკირება არა URL-ის, არამედ IP-მისამართის საშუალებით, კონკრეტული "აქაუნტების" ბლოკირებას კი სერვერის მფლობელი მოახდენს.



ბაზრძალაბა
80-4 ბავარდუა

21-წლიანი პატიმრობა ანდრეს ბრაივიკს

21 წლით თავისუფლების აღკვეთა - ასეთი განაჩენი გამოუტანა მასობრივი მკვლელობის საქმის ხანგრძლივი განხილვის დასასრულს ნორვეგიის სასამართლომ ცნობილ ტერორისტ ანდრეს ბრაივიკს. ადგილობრივი კანონმდებლობით, ეს მაქსიმალური სასჯელია. "ბი-ბი-სი"-ს ინფორმაციით, განაჩენში მითითებულია, რომ პატიმრობის ვადის ამოწურვის შემდეგ, სასამართლომ, შესაძლოა, ბრაივიკი ციხეში დატოვოს, თუ დაადგენს, რომ ის საზოგადოებისთვის საშიშროებას წარმოადგენს.

პერტიზის ეს დასკვნა გააპროტესტა და ხელახალი ექსპერტიზა მოითხოვა. მეორე დასკვნის მიხედვით კი ის შერაცხადი და ჯანმრთელია. ტერორისტის შერაცხადობა-შეურაცხადობაზე ბოლო სიტყვა, ბრალდებულის ჩვენებებზე დაყრდნობით, სწორედ სასამართლოს უნდა ეთქვას.

ოსლოს სასამართლოში ბოლო პროცესი გაძლიერებული დაცვის ფონზე ჩატარდა. სხდომათა დარბაზში ბრაივიკი მინით შემოსაზღვრულ საკანში იმყოფებოდა, რათა დაღუპულთა ნათესავებისთვის მოერიდებინათ. განსხვავებულად იყო მოწყობილი სასამართლო დარბაზიც.

ბაზრძალაბა
80-2 ბავარდუა

თუ კინოვარსკვლავობა გსურთ

ეროვნული კინოცენტრი პროექტ Shooting Stars-ს იწყებს

ი ა ვეკუა

ეროვნული კინოცენტრის ინიციატივით ახალგაზრდა კინომსახიობებისთვის კონკურსი Shooting Stars იწყება. ეს გახლავთ ორგანიზაცია ევროპული კინოს პრომოუშენის (European Film Promotion) პროექტი, რომელიც ახალი ტალანტების აღმოჩენასა და მათ ევროპულ კინოზარზე პოპულარიზაციას ითვალისწინებს. კონკურსი საკმაოდ პრესტიჟულია და ის მრავალი წელია ტარდება, მასში მონაწილეობისთვის კი საკმაოდ მკაცრი კრიტერიუმების დაკმაყოფილებაა საჭირო, რაც ჩვენი კინემატოგრაფის პირობებში არც თუ იოლი შესასრულებელი იქნება.



ბაზრძალაბა
80-5 ბავარდუა

| | |
|----------------------|----------|
| 1 აშშ დოლარი | 1.6474\$ |
| 1 ევრო | 2.0675\$ |
| 1 ინგლისური გირვანკა | 2.6149\$ |
| 1 თურქული ლირა | 0.9182\$ |
| 100 რუსული რუბლი | 5.1996\$ |

| | |
|---------|-------------|
| თბილისი | 32°C - 21°C |
| ქუთაისი | 33°C - 22°C |
| თელავი | 31°C - 16°C |
| ზუგდიდი | 31°C - 18°C |
| ბათუმი | 28°C - 19°C |

| | | | |
|---------|----------|-------|--------|
| ნავთობი | 3.13 | -0.01 | -0.28% |
| გაზი | 2.74 | -0.06 | -2.37% |
| ოქრო | 1,673.80 | +1.00 | +0.06% |
| ხორბალი | 888.00 | -6.75 | -0.76% |

"24 საათი" ელექტრონული ვერსია იხილეთ Web-გვერდზე www.24saati.ge ჩვენი პარტნიორები:

ISSN 1987 9121

9 771987 912100

ზურაბ თალაკვაძე

რუმინეთში და ჰოლანდიაში არ უნდა ვიცელოთ და ევროპის ჩემპიონატის ვიზა აღებული გვაქვს. საკუთარ ტერიტორიაზე ლატვიასთან კარგად დავინყეთ, ქართულად გავაგრძელებთ და ამერიკულად დავხუროთ. 79:76 მძიმე ანგარიშია და საქართველო ამ საკვალიფიკაციოში ჯერ მძიმედ იგებს. უბრალოდ, ჯერ არ აგებს და საბოლოო შედეგი მისაღებია. ლატვია ცოტა სხვა კალათბურთს თამაშობს. ბოსნია მირბა ტელეტოვიჩის გარშემო იკვრება და ლატვიაში ყველა დარბის, ყველა შუთერობს და ყველა პრობლემას ქმნის. თან, პრობლემას აგვარებს. ჯგუფის ფავორიტი იგებს და სასიამოვნოა, როდესაც ჯგუფის ლიდერი, საუკეთესო გუნდი გყავს. ვინერვიულეთ და ამერიკულად მოვიგეთ.

ვალდოლის ნაკრები

ამ საკვალიფიკაციოში კარგია გიორგი ცინცაძე. ბუმ ეს თამაშიც სერიოზულად გახსნა, პირველ მეოთხედში 6 ქულა წამოიღო, დაცვაში მშვიდად იდგა და რამდენიმე საინტერესო პასიც დატოვა. გიორგი ცინცაძე და მაინც თითქმის სამმაგი დუბლი გააკეთა. ცინცაძემ გამოასწორა თითქმის ყველაფერი და ნაკლებ შეცდომას უშვებს. თან, თითქმის არ ნერვიულობს. მშვიდ პირველ ნომერთან ერთად მთელი ნაკრები მშვიდი და განონასწორებულია. ლატვიასთან გიორგი ძალიან კარგი იყო. ლატვიასთან სერიულად ვითამაშეთ. რალაც მომენტში გავიქეცი და ტემპს კარგად ვაკონტროლებდით. რალაც მომენტში ვიდექით და დაცვაში ელემენტარულ შეცდომებს ვუშვებდით. იმ მომენტში ვავიანებდით დაცვაში, ვერ ავდიოდით დაზღვევაზე, ვკარგავდით ბურთს. ლატვიამ ჩვენი ტერიტორიიდან 17

მოსხნა წამოიღო. ზაზა ფაჩულიას, ვიკა სანიკიძის და თორნიკე შენგელიას სიმძლავრით და სტამინით საკუთარი სამწამიანიდან 17 მოხსნა არ უნდა გაატანო. ლატვიამ მაინც აიღო ასაღები. მოხსნაზე სამივე გარჩევაში ყური აგვინიეს. რუმინეთმა ჩვენი სამწამიანიდან 18 მოხსნა აიღო. რუმინეთმა საქართველოსთან. ზაზა ფაჩულიასთან. 18 მოხსნა. ბოსნიამ იგივე ამბავში 17 მოხსნა დაირტყა. ბოსნია უფრო ახლობლობს კალათბურთთან, ვიდრე რუმინეთი. ბოსნიამ ტელეტოვიჩია. მოხსნაზე უყურადღებო თამაში ბოლომდე უყურადღებობის ამბავში არ უნდა გავატაროთ. ენერჯის გადანაწილება რაციონალურად ხდება და თუ მოხსნაზე ვერ ვხსნით, მეორე გუნდს ბურთის გადმოტანის პროცესში ვუქმნით პრობლემებს.

ბაზრძალაბა
80-12 ბავარდუა



გიორგი ცინცაძეს სერიოზული საკვალიფიკაციო აქვს

“ევროკავშირი და ნატო საქართველოს საგარეო პოლიტიკის აბსოლუტურ პრიორიტეტებად დარჩება”

ევროატლანტიკურ სტრუქტურებში ინტეგრაციის საკითხებში ყოფილი სახელმწიფო მინისტრი გიორგი ბარამიძე საგარეო საქმეთა მინისტრის უკვე ყოფილმა მოადგილემ თორნიკე გორდაძემ შეცვალა. საქართველოს მთავრობის ინფორმაციით, ახალი მინისტრი თანამშრომლებს პრემიერ-მინისტრმა ვანო მერაბიშვილმა გუშინ წარუდგინა. გიორგი ბარამიძეს, რომელმაც დაკავებული თანამდებობა 1 ოქტომბრის საპარლამენტო არჩევნებში მონაწილეობის მიზნით დატოვა, პრემიერ-მინისტრმა განუცხადებინა საქმიანობისათვის მადლობა გადაუხადა, ხოლო ახალ მინისტრს მომავალ საქმიანობაში წარმატება უსურვა.

თორნიკე გორდაძის განცხადებით, ევროკავშირი და ნატო საქართველოს საგარეო პოლიტიკის აბსოლუტურ პრიორიტეტებად დარჩება. მისი თქმით, საქმე ეხება ძალიან კონკრეტულ მისწრაფებებს, რაც საქართველოს ნატოსა და ევროკავშირში განხორციელებას გულისხმობს. ეს კი, თორნიკე გორდაძის განმარტებით, საქართველოს თითოეულ მოქალაქეს ძალიან კონკრეტულ სარგებელს მოუტანს.

“უპირველეს ყოვლისა, ნატო-ში განხორციელება ნიშნავს უსაფრთხოებას, რის გარეშეც მომავალზე ფიქრი წარმოუდგენელია. რაც შეეხება ევროკავშირს, მასთან დაახლოებას და მასში განხორციელებას ექნება უაღრესად დიდი გავლენა საქართველოს ეკონომიკურ პოტენციალზე. ეს მოიზიდავს დიდი რაოდენობით ინვესტიციებს, შექმნის ახალ სამუშაო ადგილებს და დაამყარებს ევროკავშირის ქვეყნებთან უფრო მჭიდროვალ ურთიერთობას”, - განაცხადა თორნიკე გორდაძემ და აღნიშნა, რომ ეს საკითხები პრიორიტეტულად მისი მინისტრობის პერიოდშიც დარჩება და ამ მიმართულებით მუშაობა გაგრძელდება.

თორნიკე გორდაძემ მადლობა გადაუხადა საქართველოს პრეზიდენტსა და პრემიერ-მინისტრს ნდობისთვის, ხოლო მის წინამორბედს, გიორგი ბარამიძეს - სახელმწიფო მინისტრის პოსტზე ნაყოფიერი მუშაობისთვის.

თორნიკე გორდაძე საგარეო საქმეთა მინისტრის მოადგილის თანამდებობაზე 2010 წლის 25 ივნისიდან მუშაობდა და ევროკავშირთან ურთიერთობების მიმართულებას ხელმძღვანელობდა. გიორგი ბარამიძე “ნაციონალური მოძრაობის” ბათუმის მაჟორიტარობის კანდიდატად დასახელდა.

გიორგი ღვინიაშვილმა თანამდებობა დატოვა

კახეთის გუბერნატორმა გიორგი ღვინიაშვილმა 1 ოქტომბრის საპარლამენტო არჩევნებში მონაწილეობის გამო თანამდებობა დატოვა. გუბერნატორის მოვალეობას მისი პირველი მოადგილე გიორგი სიბაშვილი შეასრულებს.

გიორგი ღვინიაშვილი 1-ელ ოქტომბერს დანიშნულ საპარლამენტო არჩევნებში “ნაციონალური მოძრაობიდან” გურჯაანში იყრის კენჭს.

ძვირფასო მკითხველო



7 წლის ლუკა წულეისკირს, რომელიც დაავადებულ იქნა - მწვავე ლიმფოიდური ლეიკემიით და ამჟამად გადის მკურნალობას ინტენსიური ქიმიოთერაპიის კურსით გერმანიაში, ქაბლაქ ფრაიბურგის საუნივერსიტეტო ბავშვთა კლინიკაში აუცილებლად ესაჭიროება ძვლის ტვინის ლეროვანი უჯრედების გადანერგვის გადაუდებელი ოპერაცია.

გთხოვთ, გულთან ახლოს მიიტანოთ პატარა ლუკას მდგომარეობა, გამოიჩინოთ გულისხმიერება და შესაძლებლობის ფარგლებში, **ნებისმიერი ოდენობის** (მცირეოდენი) შენატანებით დაგვეხმაროთ ოპერაციისთვის საჭირო თანხების შეგროვებაში.

საბანკო რეკვიზიტები:
ბანკის კოდი: **KSBGGE22**
ბანკის დასახელება: **კორ-სტანდარტ ბანკი**
ანგარიში: **GE19KSO00000360800511**
მიმღები: **ა(ა)იპ ლუკა წულეისკირის დახმარების ფონდი**

ასევე შესაძლებელია ჩარიცხვა განხორციელდეს ნებისმიერი მობილური ოპერატორის მეშვეობით (1 ზარის ღირებულებაა 1 ლარი) შემდეგ ნომერზე:

0 901 500 552

წინასწარ გიხდით დიდ მადლობას თქვენი თანადგომისა და დახმარებისთვის.

21-წლიანი პატიმრობა ანდრეას ბრეივიკს

პირველი გახრდიდან

დარბაზში დამონტაჟებული იყო ვიდეოკამერები, რომელთა მეშვეობითაც ნორვეგიის სხვადასხვა ნაწილში მცხოვრებ დაღუპულთა ნათესავებს ვერდიქტისთვის თვალყურის დევნება შეეძლებოდათ.

სასამართლო პროცესების მსვლელობისას, ტერორისტმა, მის მიერ მოკლულების ოჯახის წევრებისა და დაჭრილების თანდასწრებით, არაერთხელ გამოთქვა სინანული, რომ მეტი ადამიანის დახოცვა ვერ მოახერხა. ჩვენების მიცემისას, ბრეივიკმა განაცხადა, რომ მის გეგმას “ყველას მოკვლა” წარმოადგენდა და სურდა გადარჩენილები წყალში გადაეყარა და დაეხრჩო. მას სურდა, მოეკლა ნორვეგიის ყოფილი პრემი-

ერ-მინისტრიც და მისი მკვლელობის ამსახველი ვიდეომასალა ინტერნეტში გაეგრძელებინა.

პროცესზე დამსწრე გარდაცვლილთა ოჯახის წევრების წინაშე ბრეივიკმა აღიარა ისიც, რომ ოსლოში დეტონატორების მანქანებში ჩამონტაჟებას გეგმავდა, რითაც სამთავრობო და მედიაორგანიზაციების შენობები უნდა აეფეთქებინა. აფეთქებას მაქსიმალური მსხვერპლი უნდა მოჰყოლოდა.

“შეორე მსოფლიო ომის შემდეგ, მე ყველაზე ეფექტური და დახვეწილი თავდასხმა განვახორციელე ევროპაზე. ჩადენილ ქმედებას არ ვნანობ და იგივეს კვლავ გავაკეთებდი. ეს ქმედებები კეთილი ზრახვებით განვახორციელე და არა - ბოროტით,” - გან-

ნუცხადა მან სასამართლოს მას შემდეგ, რაც პროცესზე გარდაცვლილების სახელები და გვარები წაიკითხეს.

ოსლოში მიმდინარე სასამართლო პროცესზე დაიკითხა კუნძულ ოტოიაზე, ახალგაზრდულ ბანაკზე თავდასხმის დროს მოკლული თამთა ლიპარტიელიანის მამაც. ლიპარტიელიანი რამდენიმედღიანი ძებნის შემდეგ, გარდაცვლილებს შორის იპოვეს. გარდაცვლილი ქართველი გოგონას ოჯახი ბრეივიკისთვის სამუდამო პატიმრობას მოითხოვდა. თამთა ლიპარტიელიანის ოჯახი ასევე მოითხოვდა, ტერორიზმში ბრალდებული საერთაშორისო ტრიბუნალს გაესამართლებინა.

“ანდრეას ბრეივიკს 21-წლიანი პატიმრობა სასჯელის სამუდამო გაგრძელების

ნორმით მიესაჯა. ოსლოდან დამიარეკეს და მიიხრეს, რომ შეცდომაში არავინ შეგვიყვანოთ, რადგან სასამართლოს განჩინებაში წერია, რომ 21-წლიანი პატიმრობის გასვლის შემდეგ, მას პატიმრობის ვადას ისევ გაუგრძელებენო,” - განუცხადა სააგენტო “ინტერპრესნიუსს” თამთა ლიპარტიელიანის დედამ ლეილა ასათიანმა. მისივე განმარტებით, სასამართლოს გადაწყვეტილებით ოჯახი კმაყოფილია და ფიქრობს, რომ გადაწყვეტილება სამართლიანია.

“ბრეივიკი დღესვე რომ დახვეწილად, ჩემთვის არაფერი შეიცვლებოდა, მაგრამ განაჩენით სამართლიანობის გაცდა დამრჩა და მაინც კმაყოფილი ვარ,” - აცხადებს თამთა ლიპარტიელიანის დედა.

მიხეილ სააკაშვილი: თავისუფლება ერთადერთი გზაა საქართველოსთვის

საქართველოს პრეზიდენტი გუშინ ჭიათურის სოფელ ქვაციხეს ესტუმრა. მიხეილ სააკაშვილმა ადგილობრივებს განხორციელებული სახელმწიფო პროექტები გააცნო და იმ პროგრამებზე ისაუბრა, რომლებიც ძალაში მომავალი თვიდან შევა.

ქვეყნის პირველმა პირმა განსაკუთრებული ყურადღება გახრდილ საპენსიო პაკეტსა და საყოველთაო დაზღვევაზე გაამახვილა. პრეზიდენტმა იმ პრო-

ექტების შესახებაც ისაუბრა, რომელთა განხორციელებაც მთავრობას უახლოეს პერიოდში აქვს დაგეგმილი.

“ამ არჩევნებზე ჩვენი ბავშვები ხმას ვერ აძლევენ. არ მექვება, რომ ქართველი ხალხი სწორ გადაწყვეტილებას მიიღებს და ჩვენი ხალხი არ დაუშვებს იმას, რომ როდესმე ამ ბავშვებმა ინანონ ის, რომ ჩვენი არასწორი გადაწყვეტილება მივიღეთ. მე და სანდრა დღეს ჩვენს სახლში ვჩერდებით, იქ,

სადაც წერეთლების სახლ-მუზეუმი. ისინი გასული საუკუნის დასაწყისში მოღვაწეობდნენ და საუკეთესო ადამიანები იყვნენ. მათ ძალიან ბევრი კარგი რამ გააკეთეს საკუთარი ქვეყნისთვის, მაგრამ ამ ქვეყანამ თავისუფლება და დამოუკიდებლობა იმის გამო დაკარგა, რომ ორჯონიკიძეებს ჩაუვარდათ ხელში. ამ რამდენიმე დღის განმავლობაში ამ პერიოდთან დაკავშირებულ მასალებს ვეცნობოდი. დამოუკი-

დებლობის მიღებიდან რამდენიმე წლის განმავლობაში ყველაფერი კარგად მიდიოდა, მაგრამ შემდეგ ქართველმა მოღვაწეებმა ქვეყანა დამპყრობელს ჩააბარეს და იმ თაობისთვის ცხოვრება გაჩერდა. არ უნდა მოხდეს ისევე ის, რომ ამ ბავშვებისთვის ცხოვრება გაჩერდეს. ეს არის ძალიან მნიშვნელოვანი. თავისუფლება ერთადერთი გზაა საქართველოსთვის”, - განაცხადა საქართველოს პრეზიდენტმა.

სასამართლო, ბავშვი და მშობელი

მომრავლებული განქორწინებების ფონზე, ხშირია ყოფილ მეუღლეებს შორის შვილებთან დაკავშირებული დავების შემთხვევები. ამ შინაარსის დავები ხშირად სასამართლომდე არც აღწევს და საკამოდ რთულ ფორმებსაც იღებს ხოლმე. არადა, მშობლის უფლებები და მოვალეობები შეიძლება შეიზღუდოს მხოლოდ სასამართლოს გადაწყვეტილებით. სასამართლოს შეუძლია შეზღუდოს მშობლის ერთი ან რამდენიმე უფლება და მოვალეობა მშობლის სხვა უფლებებისა და მოვალეობებისაგან დამოუკიდებლად. გარდა მოვალეობისა და უფლების შეზღუდვისა, სასამართლოს შეუძლია შეაჩეროს კიდევ მშობლის უფლება.

ერთმანეთზე განაწყენებული განქორწინებულები, ხშირ შემთხვევაში, ბოლოს იქმადე მიდიან, რომ ყოფილი მეუღლისთვის მშობლის უფლების ჩამორთმევას ითხოვენ.

სტატისტიკური მონაცემების მიხედვით, 2009 წელს, სასამართლოებში, ასეთი მოთხოვნით, სულ 56 საქმე შევიდა. აქედან, გადაწყვეტილების გამოტანით დასრულდა 35 საქმე. სარჩელი დაკმაყოფილდა 32 შემთხვევაში. 2010 წელში სასამართლოებში ამ სახის დავასთან დაკავშირებით, 172 სარჩელი შესული, საიდანაც დაკმაყოფილებულია 67 სარჩელი.

მშობლებს აქვთ ბავშვის რჩენის ვალდებულება და აქვთ უფლება, განსაზღვრონ, თუ ვისთან და სად უნდა იცხოვროს შვილი. მშობლებს ენიჭებათ უფლება და ეკისრებათ ვალდებულება, ჰქონდეთ ურთიერთობა თავიანთ შვილებთან. მშობ-

ლები არასრულწლოვანი შვილების კანონიერი წარმომადგენლები არიან და განსაკუთრებულ რწმუნებულებათა გარეშე გამოდიან მათი უფლებებისა და ინტერესების დასაცავად მესამე პირებთან ურთიერთობაში, მათ შორის - სასამართლოში.

სამოქალაქო კოდექსში ბოლო დროს შეტანილი ერთ-ერთი სიახლის თანახმად, თავად არასრულწლოვანს აქვს დაცვის უფლება მშობელთა მხრიდან უფლებამოსილების ბოროტად გამოყენების წინააღმდეგ არასრულწლოვნის უფლებებისა და კანონიერი ინტერესების დარღვევისას, მათ შორის, მშობლების (ერთ-ერთი მშობლის) მიერ ბავშვის აღზრდასთან დაკავშირებული მოვალეობების შეუსრულებლობის ან არასათანადოდ შესრულებისას, ან მშობლის უფლების ბოროტად გამოყენების შემთხვე-

ვაში, არასრულწლოვანს, უკვე 14 წლის ასაკიდან აქვს უფლება, მიმართოს სასამართლოს.

როგორც სასამართლოში განმარტავენ, მშობლების უფლებები არ უნდა განხორციელდეს ისე, რომ ამით ზიანი მიადგეს ბავშვის ინტერესებს. კანონის შესაბამისად, შვილების აღზრდის ყველა საკითხს მშობლები ურთიერთშეთანხმებით წყვეტენ. მშობელთა შეთანხმებლობის შემთხვევაში კი სადავო საკითხს წყვეტს სასამართლო მშობლების მონაწილეობით.

თუ განქორწინების გამო ან სხვა მიზეზით მშობლები ცალკე ცხოვრობენ, მათ შეთანხმებაზე დამოკიდებული, თუ ვის ექნება უფლება, გადაწყვიტოს, ვისთან უნდა ცხოვრობდეს არასრულწლოვანი შვილი. შეთანხმებლობის შემთხვევაში, დავას, იმის თაობაზე, თუ ვისთან უნდა ცხოვრობდეს არასრულწლოვანი, წყვეტს სასამართლო, ბავშვის ინტერესების გათვალისწინებით.

რაც შეეხება მშობლის უფლებებისა და მოვალეობების ჩამორთმევას.

მშობლის უფლების ჩამორთმევა უკანასკნელი, უკიდურესი ზომაა, რაც უკიდურეს შემთხვევაში ხდება და რის შესახებაც გადაწყვეტილებას იღებს მხოლოდ სასამართლო. კანონმ-

დებლობის მიხედვით, მშობელს, რომელიც სისტემატურად თავს არიდებს მშობლის მოვალეობის შესრულებას, ბავშვს უხეშად ექცევა, მასზე უარყოფით გავლენას ახდენს ამორალური საქციელით, ან რომელიც ქრონიკული ალკოჰოლიკი ან ნარკომანია, ჩამორთმევა მშობლის ყველა უფლება და მოვალეობა. მსგავსი შინაარსის საქმეებზე სასამართლოებში გადაწყვეტილება ბავშვის ინტერესების მაქსიმალური გათვალისწინებით გამოიღოს.

კანონმდებლობა მშობლის უფლებებისა და მოვალეობების აღდგენის მექანიზმსაც ითვალისწინებს. უფლებებისა და მოვალეობების ჩამორთმევიდან გარკვეული პერიოდის გასვლის შემდეგ, უფლებამოსილი მშობელს შეუძლია მიმართოს სასამართლოს და უფლებებისა და მოვალეობების აღდგენა მოითხოვოს.

მშობლის უფლებებისა და მოვალეობების აღდგენა შეიძლება მხოლოდ სასამართლო წესით, ბავშვის ერთ-ერთი მშობლის ინიციატივით. მშობლის უფლებებისა და მოვალეობების აღდგენა შეიძლება მხოლოდ იმ შემთხვევაში, თუ აღმოჩნდება, რომ მშობლის უფლების შეზღუდვის ან ჩამორთმევის საფუძველი აღარ არსებობს.

გაზეთი "24 საათი" გამომცემელი შპს "მზა". რედაქტორ-გამომცემელი: გამაშა ფაჩუაშვილი, პაატა ვეშაპიძე.

რედაქცია: სოფოკო ჩხაიძე (მთავარი რედაქტორი), რედაქტორები: მია ჭალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილაშვილი (რევიუ), კახა ფაჩუაშვილი (სპორტი). რეკლამის და მარკეტინგის მენეჯერი ირაკლი ლეჟავა ტელ: 899 22 09 49. კომპიუტერული ცენტრი: თამაზ ჩხაიძე (მენეჯერი), ირა ჯიშკარიანი, თენგიზ ქორია, ნინო ყავლაშვილი რედაქციის მისამართი: ქ.თბილისი, კოსტავას ქ. № 68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

თავაპი ძველი სივრცით

პირველი გვერდიდან

ამერიკული არასამთავრობო ორგანიზაცია "ლია დემოკრატიის კომიტეტი" საქართველოში წინასაარჩევნო პროცესებს აკვირდება. აპრილიდან მოყოლებული, ორგანიზაციის დამკვირვებლები პოლიტიკურ პარტიებსა და არასამთავრობო ორგანიზაციებს ხვდებიან. როგორც ორგანიზაციის აღმასრულებელი დირექტორი ბრაიან მეფორდი ამბობს, ისინი საქართველოში პრეზიდენტ მიხეილ სააკაშვილის მოწვევით იმყოფებიან, არჩევნებზე წარმოდგენილები იქნებიან, როგორც სადამკვირვებლო მისია (ამ ეტაპზე საქართველოში მათი ორგანიზაციიდან 20 დამკვირვებელია, რეგისტრაციის ცენტრალურ საარჩევნო კომისიაში კი არჩევნებამდე ერთი კვირით ადრე გაივლიან.

"ლია დემოკრატიის კომიტეტი" წინასაარჩევნო პროცესების შესასწავლად ამერიკიდან პროფესიონალი პოლიტიკური კონსულტანტი ტერი ბენჰემი მოიწვია. გუშინ დაანონსებული იყო, რომ ამერიკელი კონსულტანტი ჟურნალისტებს "რამდენიმე საინტერესო ფაქტსაც" გააცნობდა. როგორც ბენჰემი ამბობს, სამართლიანი არჩევნების ჩასატარებლად ორი ფაქტორია გადამწყვეტი: საარჩევნო სივრცეზე წვდომა და კანონმდებლობის პატივისცემა. ბენჰემის თქმით, სწორედ ამ მიმართულებით საქართველოში წინასაარჩევნოდ გარკვეული პრობლემები არსებობს. პირველ რიგში, ამერიკელი ექსპერტი ამომრჩეველთა

სივრცეზე საუბრობს. ბენჰემის განცხადებით, ამომრჩეველთა ერთიანი სია დაგვიანებით, მხოლოდ რამდენიმე დღის წინ გამოქვეყნდა, რაც საერთაშორისო ორგანიზაციებს საშუალებას არ აძლევს, სიები დამატებით შეამოწმონ. პრესკონფერენციაზე, რომელიც "ლია დემოკრატიის კომიტეტმა" ჟურნალისტებისთვის გამართა, წარმოდგენილი იყო დაპირებული "რამდენიმე საინტერესო ფაქტი", კერძოდ, ფოტომასალა მიტოვებული შენობებისა, სადაც ათობით ამომრჩეველი რეგისტრირებული. მაგალითად: ჯავახიშვილის ქუჩა 13-19, ჩამონგრეული სახლი, დარეგისტრირებულია 46 ამომრჩეველი; დადიანის 22, მიტოვებული შენობა, რეგისტრირებულია 42 ამომრჩეველი; ბარნოვის 82, ცარიელი პარკინგის ადგილას 8 ამომრჩეველია დარეგისტრირებული.

"24 საათი" დაინტერესდა ამ მონაცემების სანდოობით და იმით, შედარებულია თუ არა ეს მონაცემები ამომრჩეველთა ახალ სიათთან, სადაც ყველა ეს მისამართი სიების დაზუსტების კომისიამ გადაამოწმა და ხარვეზები აღწერა. ტერი ბენჰემმა "24 საათს" უპასუხა, რომ მონაცემები შედარებული არ არის ახალ სიათთან, ფოტოებზე საბაზის მისამართები ძველი სიადანაა. მიუხედავად იმისა, რომ ფოტოები დახლოებით ერთი კვირის წინაა გადაღებული, ამ მონაცემებს საერთო არაფერი აქვს 1 აგვისტოს გამოქვეყნებულ ამომრჩეველთა ერთიან სიათთან. ორგანიზაციის წარმომადგენლები იმედოვნებენ, რომ ამ

ეტაპზე ეს პრობლემები უკვე აღმოფხვრილი იქნება.

თავად ამომრჩეველთა სიების დაზუსტების კომისიის თავმჯდომარე მამუკა კაციტაძე ამბობს, რომ "ლია დემოკრატიის კომიტეტი" საქართველოში კოალიცია "ქართული ოცნების" ლიდერის ბიძინა ივანიშვილის ჩამოყვანილია. კაციტაძის თქმით, გასაკვირია, რატომ არ წარმოადგინა კომიტეტმა ამომრჩეველთა სიებში აღმოჩენილი შეცდომები იმ ორგანიზაციასთან ერთად, რომელმაც ის საქართველოში ჩამოიყვანა. სიების დაზუსტების კომისიის თავმჯდომარე ამბობს, რომ "ლია დემოკრატიის კომიტეტის" მიერ ამომრჩეველთა სიაში აღმოჩენილი დარღვევები სიაზე არ არის და ეს მათთვის უკვე კარგად ცნობილი პრობლემაა. კაციტაძის განცხადებით, არამართობის თბილისში, არამედ მთლიანად საქართველოში არის ადგილები, სადაც შენობა აღარ არსებობს და იმ ადგილზე ჩანერილი ადამიანებიც იქ აღარ ცხოვრობენ. მისივე თქმით, ამგვარი გაურკვეველობა 66 ათასი ამომრჩევლის შემთხვევაშია დაფიქსირებული, ამიტომ "ლია დემოკრატიის კომიტეტი" ლია კარს ამტკრებს.

ამომრჩეველთა სიების თემა ერთადერთი "აღმოჩენა" არ ყოფილა, რომელზეც ამერიკულმა ორგანიზაციამ ისაუბრა. "ლია დემოკრატიის კომიტეტი" ყურადღებას ბოლო დროს გამოწვეული ჯარიმებზე ამახვილებს და ამბობს, რომ კოალიცია "ქართული ოცნების" წევრის კახა კალაძისა და კოალიციის

ლიდერის მიმართ დაწესებული მილიონიანი ჯარიმები გადაჭარბებულია. ბენჰემი ამბობს, რომ თანხის ასეთმა დიდმა ოდენობამ, შესაძლოა, გააჩინოს ეჭვი, რომ ეს გადაწყვეტილებები პოლიტიკურადაა მოტივირებული.

"პოლიტიკური ჯარიმის ასეთი დიდი ოდენობა ამერიკაში არ დაფიქსირებულა. ყველაზე დიდი ჯარიმა 2004 წელს კონგრესის არჩევნების დროს 33 ათას 170 დოლარი იყო. საქართველოს კანონმა შესაძლება დაუშვას ასეთი გადაჭარბებული ჯარიმები. ჩვენი მიზანი არაა საქართველოს კანონმდებლობის განსჯა, მაგრამ ასეთი ფაქტები საარჩევნო პროცესს ვნებს და მისდამი ნდობას ამცირებს," - ამბობს ამერიკელი ექსპერტი.

არასამთავრობო ორგანიზაცია "ლია დემოკრატიის კომიტეტი" ამერიკული ორგანიზაციაა, რომელიც მსოფლიოს მასშტაბით არჩევნებს აკვირდება. კომიტეტი 2010 წელს ჩამოყალიბდა და მისი მრჩეველები და ექსპერტები ქვეყნებისთვის რეკომენდაციების მიცემით ცდილობენ, საარჩევნო გარემო გააუმჯობესონ. ორგანიზაციის აღმასრულებელი დირექტორი ბრაიან მეფორდი ამბობს, რომ კომიტეტი კერძო ფონდებიდან ფინანსდება და ფულს არც ერთი ქვეყნის მთავრობისგან არ იღებს. მისივე თქმით, საქართველოდან შემოსული თანხა არ მიუღიათ, თუმცა ქართულ დიასპორას, რომელიც ამერიკასა და ევროპაშია, მათ ანგარიშზე ფული ჩაურიცხავს...

რუსეთი საზღვრის დასვას აძლიერებს

ნათია მსხილაძე

რუსეთის ფედერალური უსაფრთხოების სამსახურის საზღვრო სამსახურის დირექტორმა ვლადიმერ პრონიჩევმა ჩრდილოეთ კავკასიაში "საზღვრის დაცვის მრავალშელონიანი სისტემის" შექმნის შესახებ განცხადება გააკეთა.

რუსი მაღალჩინოსნის განმარტებით, სასაზღვრო საფრთხეებს თანამედროვე საფრენი საშუალებები, ლამის ხედვის მონოპოლიზაცია და თბოვიზორები მიეწოდება.

საზღვრის დაცვა განსაკუთრებით საქართველოს მონაკვეთზე გააძლიერდება.

როგორც საინფორმაციო სააგენტო "ITAP-TACC"-ი წერს, პრონიჩევმა პუტინს უპატიჟა, რომ აქამდე სასაზღვრო სამსახური მთავარი ყურადღების კონცენტრირებას ჩრდილოეთ კავკასიისა და ცენტრალური აზიის მიმართულებებზე ახდენდა. ამ მიზნით, მისი თქმით, 2003-2011 წლების სახელმწიფო მიზნობრივი პროგრამა "99,5-პროცენტის ეფექტურობით" იქნა რეალიზებული. **"სამხრეთ ოსეთის მიმართულებით სახელმწიფო საზღვრის დაცვის მშენებლობა, ფაქტობრივად, დავამთავრეთ, ამჟამად მიმდინარეობს მისი მონაცემების საინჟინერო თვალსაზრისით"**, - განაცხადა პრონიჩევმა.

პუტინი განსაკუთრებით ჩრდილოეთ კავკასიაში არსებული ვითარებით დაინტერესდა. კონკრეტულად, თუ რა საფრთხეები ხორციელდება ჩრდილოეთ კავკასიის ამა თუ იმ სასაზღვრო მონაკვეთებზე.

"ITAP-TACC"-ის ინფორმაციით, რუსეთის მთავარმა მესაზღვრემ პასუხი დააზუსტა და განაცხადა, რომ მთავარი ძალისხმევა მიმართულია, რათა "დაცული იყოს შორი მისაღვივები", ანუ ცხინვალისა და აფხაზეთის მიმართულებები. როგორც ცნობილია, ამ მონაკვეთზე რუსეთის საოკუპაციო ჯარების შემადგენლობაში მყოფი რუსი მესაზღვრეები არიან განლაგებული.

"ამ დროისთვის ჩრდილოეთ კავკასიის მიმართულებით ჩვენი ძალისხმევა სამხრეთ ოსეთისა და აფხაზეთის მონაკვეთებზეა კონცენტრირებული. სამხრეთ ოსეთის მიმართულებით სახელმწიფო საზღვრის დაცვის სისტემის მშენებლობა, ფაქტობრივად, დავასრულეთ, სრულდება საინჟინერო ნაგებობების მშენებლობაც. ამგვარად, შექმნილი იქნება საზღვრის დაცვის მრავალშელონიანი სისტემა წინა ხაზზე. სამხედრო ნაწილებს შეიარაღებაში უკვე მიეწოდებათ თანამედროვე საფრენი საშუალებები, ლამის ხედვის მონოპოლიზაცია, თბოვიზორები და სხვა ტექნიკა," - აღნიშნა პრონიჩევმა.

ხიდაპელი მონღოლ სტატუსით დაკითხეს

გუშინ, სახელმწიფო აუდიტის სამსახურში, ერთი საათის განმავლობაში, "ქართული ოცნების" მაჟორიტარი დეპუტატობის კანდიდატი და "რესპუბლიკური პარტიის" ერთ-ერთი ლიდერი თინა ხიდაშელი იკითხებოდა. ის აუდიტის სამსახურის უფროსმა ნათია მოგელაძემ და მისმა მოადგილემ მოწმის სტატუსით დაიბარეს.

როგორც გაირკვა, დაკითხვისას, აუდიტის სამსახურის წარმომადგენლების შეკითხვაზე ორ შემთხვევაზეა შეეხო, რომელიც თინა ხიდაშელმა განხორციელა რესპუბლიკური პარტიის, "თავისუფალი დემოკრატების" და კონსერვატიული პარტიის მიმართ.

აუდიტის სამსახური დაინტერესდა, თუ საიდან აქვს "ქართული ოცნების" მაჟორიტარი დეპუტატობის კანდი-

დატს ფინანსური შემოსავლები, რომ მან დიდი ოდენობით ფინანსური დახმარების განევა შესძლო რესპუბლიკურ პარტიისთვის. მეორე საკითხი, რომლითაც აუდიტის სამსახური დაინტერესდა, შეეხებოდა "თავისუფალი დემოკრატებისთვის" და კონსერვატიული პარტიისთვის გაღებული არამატერიალურ შემოსწავლობას.

"ნათია მოგელაძის ძირითადი შეკითხვა ეხებოდა იმას,

თუ რატომ გადაწყვიტე "კონსერვატორებისა" და "თავისუფალი დემოკრატების" სასარგებლოდ არამატერიალური შემოსწავლობის განხორციელება. შესაბამისად აუფხსენი, რომ გამომდინარე იქნება, რომ კოალიციაში შემავალი პარტიების ანგარიშებს ინკასო ედო, ისინი ფინანსური ვალდებულებების გასტუმრებას ვერ ახრეხებდნენ. შეგამოვიწყებ ვალდებულება და მომსახურების სახით შევიწერე აღნიშნულ ორ პოლიტიკურ სუბიექტს, რადგან მათ ჰქონოდათ საშუალება კარდაკარის პროგრამის მონაწილეების და სხვა საჭიროებების

შემთხვევაში ფინანსური უზრუნველყოფა. კითხვები ჩემს მიერ კოალიციის სასარგებლოდ განხორციელებულ 10 000 ლარის ოდენობის შემოსწავლობასაც შეეხო," - განმარტავს თინა ხიდაშელი.

თინა ხიდაშელისთვის გაუგებარია, მისი მოწმის სტატუსით დაკითხვა.

"ჩემთვის მონღოლ სტატუსით დაკითხვა გაუგებარია, თუმცა ამაშიც არაა პრობლემა. მოხარული ვიქნები და მივესალმები, თუ აუდიტის სამსახური ყველა პოლიტიკური პარტიის ყველა შემოსწავრული დაინტერესდება," - აცხადებს ხიდაშელი.

კალაძეს "გამოსამშვიდობებლად" სტადიონი არ დაუთმეს

"ქართული ოცნების" ერთ-ერთი ლიდერის კახი კალაძის განცხადებით, ფეხბურთთან გამოსამშვიდობებელი მატჩი 13 სექტემბერს უნდა გამართულიყო, თუმცა სტადიონის დათმობაზე უარი უთხრეს.

კალაძეს სურდა, გამოსამშვიდობებელი სადამოსთვის საქართველოში კლუბი "მილანი" ჩამოეყვანა და ამხანაგური შეხვედრა გაემართა.

"ჩვენ მზად ვიყავით, 13 სექტემბრისთვის ჩამოგვეყვანა კლუბი "მილანი" და გამართულიყო საქართველოსთან ამხანაგური შეხვედრა, მაგრამ გუშინ მივიღეთ ოფიციალური უარი. გვითხრეს, რომ სტადიონი 1 თვის განმავლობაში დაკავებულია და ყველა დღე უკვე განვრჩილია", - განაცხადა კალაძემ და აღნიშნა, რომ ოქტომბერში, როცა "ქართული ოცნება" გაიმარჯვებს, გამოსამშვიდობებელ მატჩს აუცილებლად გამართავს.

"მწვანეთა პარტია" თავის ამომრჩევლებს "ქართული ოცნებისკენ" უშვებს

"მწვანეთა პარტია" საპარლამენტო არჩევნებში მონაწილეობას არ მიიღებს. როგორც პარტიის ლიდერმა გიორგი გაჩეჩილაძემ განაცხადა, მათ ყველა პროცედურა გაიარეს და რეგისტრირებულნი იყვნენ საარჩევნოდ, თუმცა ქვეყანაში არსებული პოლიტიკური სიტუაციიდან გამომდინარე, იმსჯელეს და მიიღეს გადაწყვეტილება, რომ არჩევნებში მონაწილეობა პარტიამ არ მიიღოს.

"ბიძინა ივანიშვილის კოალიციის გამარჯვების უფრო მეტი შანსი ექნება. არც ერთი ხმა დასაკარგი არ არის, ამიტომ უარს ვაცხადებთ ოქტომბრის საპარლამენტო არჩევნებში მონაწილეობის მიღებაზე. ჩვენს ამომრჩევლებსა და მხარდამჭერებს მოვუწოდებთ, მზარი დაუჭირონ ბიძინა ივანიშვილის კოალიციას, პოლიტიკურ პარტიებს კი - ჩვენს გადაწყვეტილებას მიბაძონ", - აღნიშნა პრესკონფერენციაზე გიორგი გაჩეჩილაძემ.

მერაბიშვილმა ჰესების მშენებლობა დაათვალიერა

საქართველოს პრემიერ-მინისტრმა ვანო მერაბიშვილმა, მცხეთა-მთიანეთის გუბერნატორ ცეზარ ჩოჩელთან ერთად, ყაზბეგის რაიონში რამდენიმე ობიექტი დაათვალიერა. საქართველოს მთავრობის ინფორმაციით, პრემიერ-მინისტრი და გუბერნატორი, ენერგეტიკის მინისტრ ვახტანგ ბალაყაძესთან ერთად, მდინარე თერგზე მშენებარე ჰიდროელექტროსადგურებს "ლარსი ჰესსა" და "დარიალი ჰესს" ესტუმრნენ და მშენებლობის პროცესს გაეცნენ.

ჰესების მშენებლობა უახლესი ტექნოლოგიების გამოყენებით მიმდინარეობს და 2014 წელს ექსპლუატაციაში შესვლის შემდეგ მათ საქართველოს რეგიონები ხარისხიანი ელექტროენერჯით უნდა უზრუნველდეს.

ჰესების შემდეგ პრემიერ-მინისტრმა ვანო მერაბიშვილმა დაბა სტეფანწმინდაში ახლად გახსნილი Rooms Hotel Kazbegi დაათვალიერა და დამსვენებლებს გაესაუბრა. სასტუმრო 2012 წლის ივნისში გაიხსნა და მას 156 ოთახი აქვს. სასტუმროში 90 ადამიანი დასაქმებული, რომელთა უმეტესობა ადგილობრივია.

გორში სკვერების კეთილმოწყობა მიმდინარეობს

გორში სკვერების კეთილმოწყობის სამუშაოები მიმდინარეობს. გორის გამგეობის პრესასამსახურის ინფორმაციით, სარეაბილიტაციო სამუშაოები შინდისის გზატკეცილზე, ამილახურისა და კანჩისკის ქუჩებზე ხორციელდება. სკვერების გარდა, ცხინვალის გზატკეცილზე მინისტადიონის მონუმენტს არის ადგენილი.

პროექტის თანახმად, სკვერებში წვრილმარცვლოვანი ასფალტბეტონის საფარი, ფეხით სავალ ნაწილებზე დეკორატიული ფილები, სასმელი წყლის სოკოები, კულათბურთის მოედნები და ბავშვობისთვის სათანამო კუთხეები მოეწყობა. ასევე, სამივე სკვერში დამონტაჟდება დეკორატიული სანათები და სკამები. რაც შეეხება სპორტულ მოედანს, მასზე მოეწყობა ხელოვნური საფარი, განათება, დეკორატიული სკამები და ფეხბურთის კარი.

აღნიშნულ სამუშაოებს, შპს "შარა" ასრულებს. სამუშაოში 8 აგვისტოდან დაიწყო და ოქტომბრის დასაწყისში დასრულდება. პროექტის განსახორციელებლად საქართველოს პრეზიდენტის სარეზერვო ფონდიდან 337 878 ლარი გამოიყო.

ბუნებით მორცხვ სოსო ჭაჭვლიანს ზურგს ივანიშვილი უმაგრებს

კოალიცია "ქართული ოცნების" მაჟორიტარი დეპუტატობის კანდიდატი სოსო ჯაჭვლიანი გლდანის მოსახლეობას შეხვდა. ჯაჭვლიანი მათ არსებულ პრობლემებზე ისაუბრა, წინასაარჩევნო პროგრამა გააცნო და აქტიურობისაკენ მოუწოდა.

"მე ბუნებით მორცხვი ადამიანი ვარ, მაგრამ ზურგს მიმაგრებს ისეთი კაცი, როგორც ბიძინა ივანიშვილია. მინდა, მისი დანაბარები გადმოგეთ: ამაყად დაპირდი და ჩვენ შევასრულებთო. მე მგონი, თქვენც დაგვეთანხმებით ამაში", - აღნიშნა ჯაჭვლიანმა მოსახლეობასთან შეხვედრისას.

კახა ძაგანია ისინი მოსახლეობას შეხვდა

"ლეიბორისტული პარტიის" ისინი რაიონის მაჟორიტარი დეპუტატობის კანდიდატი კახა ძაგანია ისინი მოსახლეობას შეხვდა, სადაც მოსახლეობისთვის წყლის მიწოდების პრობლემებზე ისაუბრეს.

"ლეიბორისტების" ინფორმაციით, როგორც კახა ძაგანია ისინი რაიონის მაცხოვრებლებმა განუცხადეს, მათ სასმელი წყალი გრაფიკით მიწოდებულა, თუმცა კომუნალურ გადასახადს დიფერენცირებულად არ ახდენენ და გადასახადი 24-საათიანი მომარაგების ტარიფის მიხედვით უწევთ.

თუ კინოვარსკვლავობა გსურთ

პირველი გვერდიდან

მიუხედავად ამისა, კონკურსი მაინც ტარდება. ქვემოთ კი მასში მონაწილეობის პირობებს გაგაცნობთ.

პროექტში მონაწილეობა მხოლოდ 32 წლამდე ასაკის კინომსახიობებს შეუძლიათ, ისინი პრაქტიკულად სრულყოფილად უნდა ფლობდნენ ინგლისურს და, ამავდროულად, საქართველოში შემდგარი კინოკარიერა გააჩნდეთ. ამ კრიტერიუმებს ჩვენი ზოგი მსახიობი, შესაძლოა, ასე თუ ისე აკმაყოფილებს, მაგრამ საქმეს ის ართულებს, რომ აუცილებლად უნდა ჰქონდეთ შესრულებული მთავარი როლი ფილმში, რომლის პრემიერაც 2011 წლის 26 სექტემბრის შემდეგ ანუ ამ ერთი წლის განმავლობაში შედგა. ეს კიდევ არაფერია - სასურველია, რომ პროექტის მონაწილეს ამ როლისთვის ჯილდო ჰქონდეს მოპოვებული, ხოლო ფილმს საერთაშორისო კინოფესტივალებში ჰქონდეს მონაწილეობა მიღებული.

ამ კრიტერიუმებს მეტ-ნაკლებად მხოლოდ ქეთი მაჭავარიანის "მარილივით თეთრომი" მამაკაცის მთავარი როლის შემსრულებელი გაგი სვანძე აკმაყოფილებს. ის 30 წლისაა, ხოლო აღნიშნულ ფილმში შესრულებული როლისთვის კოტბუსის კინოფესტივალის მთავარი ჯილდო აქვს მოპოვებული (ამავე კინოფესტივალის გამარჯვებულია თავად რეჟისორიც). თუმცა საქმე ის გახლავთ, რომ "მარილივით თეთრომი" ოფიციალური გაქირავება ჩვენთან მხოლოდ მიმდინარე წლის თებერვალში დაიწყო, თან უცნობია, რამდენად კარგად ფლობს ინგლისურს გაგი სვანძე. უცნობია ისიც, ექნება თუ არა მას პროექტში მონაწილეობის სურვილი.



ტში მონაწილეობის სურვილი. ასევე ფინალში გასვლის შემთხვევაში, მოისურვებს თუ არა EFP-სთან რამდენიმე წლიან თანამშრომლობას, რაც მისი, როგორც მსახიობის პოპულარიზაციისთვის იქნება საჭირო.

ერთი სიტყვით, არჩევანი არც ისე დიდი გვაქვს, თუმცა მსურველები მაინც იქნებიან. ვინც ზემოთ ჩამოთვლილ კრიტერიუმებს აკმაყოფილებს, 15 სექტემბრამდე ეროვნულ კინოცენტრში უნდა წარადგინონ განაცხადი, ასევე ფილმის DVD ასლი, სინოფსისი, ფერადი პორტრეტული ფოტო, მოკლე ბიოგრაფია, ფილმოგრაფია და საკონტაქტო ინფორმაცია. კონკურსის პირობების შესაფერის მსახიობებთან გასაუბრება ქარულის გარდა ინგლისურ ენაზეც შედგება, ასე რომ საკუთარი ლინგვისტური შესაძლებლობების შესახებ ინფორმაციას ტყუილად ნურავინ გააბუ-

ქებს. იგივე უნდა ითქვას სამსახიობო ოსტატობაზეც, რადგან Shooting Stars საკმაოდ სერიოზული პროექტია, მის ფინალში მოხვედრა და საკონკურსო ბარიერების გადალახვა კი მხოლოდ საუკეთესოებს ხელეწიფებათ.

რაც შეეხება ფინალს, აქ მხოლოდ სხვადასხვა ქვეყნიდან შერჩეული ათი კონკურსანტი მოხვედრება ანუ შიდა შესარჩევ კონკურსში გამარჯვება პროექტ Shooting Stars-ში მოხვედრის გარანტიას არ იძლევა (ფინალისტებს EFP-ის საერთაშორისო ყოფილი არჩევს). ვისაც გაუმართლებს, მის პროექტში მონაწილეობის ხარჯებს მთლიანად ეროვნული კინოცენტრი დაფარავს.

წელს European Film Promotion 15 წლის ხდება. ამ დროისთვის მის რიგებში ევროპის 30-ზე მეტი ქვეყანაა გაერთიანებული. ორგანიზაცია ევ-

როკავშირის MEDIA Programme-ს ფარგლებში ფინანსდება და ევროპული კინოს მარკეტინგული ზრდისა და პოპულარიზაციის საქმეს ემსახურება. პროექტი Shooting Stars 1998 წლიდან ტარდება. როგორც წესი, მის გამარჯვებულს ბერლინის კინოფესტივალის ფარგლებში აჯილდოებენ. სწორედ ასე მოხდა წელსაც - 2012 წლის კონკურსანტთა დაჯილდოების ცერემონიალი "ბერლინალეზე" გაიმართა, ჯილდო კი პროექტის ფავორიტებს მსახიობმა ჯონ ჰარტმა გადასცა.

აქვე შეგახსენებთ, რომ სხვადასხვა წლებში Shooting Stars-ის გამარჯვებულები არიან მსახიობები დენიელ კრეიგი, რეიჩელ ვაიზი, ფრანკა პოტენტი, ედუარდო ნორიეგა, დევიდ კროსი, კერი მალიგანი და ევროპაში ცნობილი სხვა მსახიობები.

პოეზიით სავსა "თხილვისი-ფუბდილი"

ბაღა ჩაქარიშვილი

წარმოიდგინეთ, ზიხარო მატარებელში და უცებ, ვიღაც მგზავრი ლექსის კითხვას იწყებს ხმამაღლა. ამთავრებს თუ არა, მეორე იწყებს, მერე მესამე, მეოთხე, მეხუთე... რა ხდება? ფხიზლდებით და აქეთ-იქით იყურებით. აშკარაა, არც ლექსის სტრიქონები გეცნობათ და არც ისინი, ვინც კითხულობენ, თუმცა იმას კი ხვდებით, ეს არც ხუთწევრიანია, არც წესრიგის დარღვევა, და გახსენდებათ, რომ საქართველო პოეტების ქვეყანაა. სწორედ ამას ამბობენ ის ახალგაზრდებიც, რომლებიც მერე სახელით და გვარით გეცნობიან და უკვე იქით სთხოვთ, "ერთიც ნაიკითხონ"...



მინდა ვითხრათ, რომ წარმოუდგენელი არაფერია, მით უფრო, საქართველოში, სადაც, ღვთის მადლით ლექსის დამწერიც შეგვრჩა, მთქმელიც და მომსმენიც. ამგვარი პერფორმანსის მონაწილენი კი წუხელ თბილისი-ზუგდიდის მატარებლის მგზავრები იყვნენ, ვისაც პოეტებმა პაატა შამუგიაძე, კატო ჯავახიშვილი, ირაკლი კაკაბაძე, დიანა ანფიმიადი, გიო არაბულმა, გვანცა ჯობავამ, სანდრო ლორთქიფანიძემ, თაკო ფოლადშვილმა საკუთარი ლექსები წაუკითხეს. და ბარემ აქვე აღვნიშნავ, რომ ეს "ლიტერატურული ექსპრესის" მესამე გასვლაა: გამომცემლობა "ინტელექტის" პროექტის "ახალგაზრდა პოეტების 100 ლექსის" ავტორებმა მსგავსი აქცია გასული წლის დე-

კემბერში ბათუმი-თბილისის მატარებელში მოაწყეს, რასაც ბორჯომ-ბაკურიანის "კუკუშკა" მოჰყვა. აქციებს თან ახლდა "100 ლექსის" წარდგინება ბათუმსა და ბორჯომში. დღეს ახალგაზრდა პოეტებს მესტიის ახალგაზრდული ცენტრი "ბეთქილი" მასპინძლობს, ხვალ კი პოეზიის საღამოს ზუგდიდის "არტ გალერეაში" გამართავენ.

როცა თანამედროვე ლიტერატურაზე ვსაუბრობთ, პოეზია იქნება ეს თუ პროზა, სინანულით აღვნიშნავთ, რომ ქართული მწერლობა ხალხისგან შორს აღმოჩნდა, მკითხველი დაიკარგა, საყვარელი ავტორის ცნება გაქრა... ბუნებრივია, დაიკარგება და გაქრება, თუკი პრესით და ტე-

ლევით მხოლოდ პოლიტიკასა და შოუ-ბიზნესზე ვისაუბრებთ, ლიტერატურისთვის კი თვეში ერთი გადაცემის მიძღვნა დაგვეწინააღმდეგება. მაგრამ გამოსავალი ყოველთვის არსებობს, როგორც მაქსიმ გორკი იტყვოდა, მწერალი მედალიონი ხომ არ არის, გულზე დაიკიდონ, ის ხალხში უნდა გავიდეს. ახალგაზრდა პოეტების "ლიტერატურული ექსპრესი" სწორედ ამას ემსახურება - გაიტანონ პოეზია დედაქალაქიდან გარეთ, ხალხში, იქ სადაც მკითხველს მათი ხმა სჭირდება, თუნდაც იმის სათქმელად და საჩვენებლად, რომ ის ძირითადი ძარღვი და მადლი, რაზეც ქართული საზოგადოება საუკუნეების მანძილზე იდგა,

კვლავაც არსებობს, ნიჭიერი მწერლები კვლავაც იბადებიან და ბოლო წლებში დაგვირგვინებულმა ფსევდოფასულობებმა ნამდვილი ფასეულობები ვერ გადაწინა.

"უკვე მეორედ ვმონაწილეობ ამ პროექტში. ძალიან საინტერესო აქცია გამოგვიდის ხოლმე, თუნდაც იმიტომ, რომ მწერლებს ერთმანეთთან საურთიერთოდ თავისუფალი სივრცე გვძლევა, ყოველგვარი გლამურული საღამოების თუ გაზეპირებული ტექსტების გარეშე, რაც დღეს ფუფუნება გახდა. მკითხველთან შეხვედრა ხომ თავისთავად საინტერესოა და ექსტრემალურ სიტუაციაში კიდევ უფრო მეტი ეგზოტიკა ახლავს. კურიოზიც ბევრი ხდება და მოსაგონებელიც ბევრი გვრჩება. მკითხველამდე ლიტერატურის მიტანის ნებისმიერი მცდელობა გამართლებული მგონია და ამის შემდეგ, ორმა ადამიანმაც რომ გადაშალოს რომელიმე პოეტის წიგნი, უკვე დიდი მიღწევაა" - ამბობს "ლიტერატურული ექსპრესის" მონაწილე კატო ჯავახიშვილი.

გაინტერესებთ როგორ ხვდებიან ამ ყველაფერს მგზავრები? გაოცებით და აპლოდისმენტებით, რადგან ხედავენ, რომ ეს ყველაფერი მათთვის ხდება და იმასაც გრძნობენ და ისმენენ, რომ რაღაც იმაზე კარგს სთავაზობენ, ვიდრე რუსულანაა, შაკირა, ანდა სოსო ნარინიძე.

მესტიელებს კი, ახალგაზრდა პოეტების "100 ლექსის" გარდა, ტარიელ ხალხელაურის 100 ლექსთანაც მოუწევს შეხვედრა, თუმცა ეს უკვე ცალკე თემაა და შემდეგ სტატიაში მოგიყვებით.

ბათუმის IV საერთაშორისო ფესტივალის "ღამის სერენადები"

25-28 აგვისტო, 2012 წელი
გონიოს ციხე
(დასაწყისი - 21:00)

პროგრამა

25 აგვისტო

საფესტივალო სიმფონიური ორკესტრი
სოლისტი - ანდრეი გავრილოვი - ფორტეპიანო (შვეიცარია)
დირიჟორი - ვლადიმერ ვერბიცი (რუსეთი)
- ბეთჰოვენი - სიმფონია N7
- სენ-სანსი - კონცერტი ფორტეპიანოსა და ორკესტრისთვის N2

26 აგვისტო
ედვენება "რადიო მუზას" დაარსებიდან 5 წლისთავს

ანსამბლი "ფეისბუქის ვირტუოზები"
I
- შუბერტი - საფორტეპიანო კვინტეტი "კალმახი", ოპ. 114, ლა მაჟორი
ლ. ისაკაძე - ვიოლინო,
ნ. რექსროტი - ფორტეპიანო (გერმანია), ი. ჟისლინი - ალტი (ინგლისი)
ი. მონიგეტი - ჩელო (შვეიცარია), დ. გაგუ-ლიძე - კონტრაბასი (საქართველო)
II
- ჩაიკოვსკი - "მედიტაცია", "ვალსი-სკერცო"
ა. ბარანოვი - ვიოლინო (შვეიცარია), ვ. მიმ-ჩუკი - ფორტეპიანო (რუსეთი)
- შოსტაკოვიჩი - საფორტეპიანო ტრიო, ოპ. 67, N2
- ლ. ისაკაძე - ვიოლინო, ვ. მიმჩუკი - ფორტეპიანო, ი. მონიგეტი - ჩელო

27 აგვისტო

კამერული ორკესტრი "ფეისბუქის ვირტუოზები"
I
- ი.ს. ბახი - კონცერტი 3 ვიოლინოსა და ორკესტრისთვის, რე მაჟორი (BWV 1064)
ნ. ლომეიკო - (ინგლისი), ი. ჟისლინი (ინგლისი), ა.ლ. ბეზროდნი (ფინეთი)
- ბოკერინი - კონცერტი ჩელოსა და ორკესტრისთვის N2, რე მაჟორი
სოლისტი და დირიჟორი - ი. მონიგეტი
- შუბერტი - "რონდო", ლა მაჟორი
სოლისტი და დირიჟორი - ლ. ისაკაძე
II
"მუსიკოსები ხუმრობენ"

28 აგვისტო

საფესტივალო სიმფონიური ორკესტრი
სოლისტი - ლიანა ისაკაძე
დირიჟორი - ემანუელ ლედიუკ-ბარომი (საფრანგეთი)
- მენდელსონი - უვერტიურა "Hebriden"
- ბრამსი - კონცერტი ვიოლინოსა და ორკესტრისთვის
- ბეთჰოვენი - სიმფონია N7

ფერწერული ნამუშევრების გამოფენა
ქეთევან მატაბელი
გია გუგუშვილი
შალვა მატუაშვილი



სსიპ კონსტიტუციონალიზმის კვლევისა და ხელშეწყობის რეგიონალური ცენტრი

პირველი რეგიონალური ორგანიზაცია კონსტიტუციონალიზმის სფეროში ხელმძღვანელი ავთანდილ დემეტრაშვილი

„კონსტიტუციონალიზმის ბაკვეთილები“

წაკითხე → შეიხვეცე → დაიმახსოვრე

ყოველკვირეული რუბრიკა

უძღვება კონსტიტუციონალიზმის კვლევისა და ხელშეწყობის რეგიონალური ცენტრის ხელმძღვანელი ავთანდილ დემეტრაშვილი

მუხლი 69

1. საქართველოს პრეზიდენტი არის საქართველოს სახელმწიფოს მეთაური.

2. საქართველოს პრეზიდენტი წარმართავს და ახორციელებს სახელმწიფოს საშინაო და საგარეო პოლიტიკას. იგი უზრუნველყოფს ქვეყნის ერთიანობას და მთლიანობას, სახელმწიფო ორგანოთა საქმიანობას კონსტიტუციის შესაბამისად.

3. საქართველოს პრეზიდენტი საქართველოს უმაღლესი წარმომადგენელია საგარეო ურთიერთობებში.

საქართველოს პრეზიდენტი არის სახელმწიფოს მეთაური, უმაღლესი თანამდებობის პირი, რომელიც ამ თანამდებობას იკავებს არჩევნების საფუძველზე. პრეზიდენტი საქართველოს მთავრობასთან ერთად ახორციელებს საქართველოს აღმასრულებელ ხელისუფლებას. პრეზიდენტი წარმოადგენს მთავრობის ზემდგომ ორგანოს, მთავრობა და პრემიერ-მინისტრი პასუხისმგებელი არიან პრეზიდენტის წინაშე. პრეზიდენტი უშუალოდ და აქტიურად მონაწილეობს საქართველოს მთავრობის ფორმირების და საქმიანობის პროცესში. პრეზიდენტს გააჩნია სამართლებრივი ზედამხედველობის უფლებამოსილება ის უფლებამოსილია შეაჩეროს ან გააუქმოს მთავრობისა და აღმასრულებელი ხელისუფლების დაწესებულებათა აქტები. საქართველოს პრეზიდენტი შეზღუდულ ფარგლებში ანგარიშვალდებულია საქართველოს პარლამენტის წინაშე. წელიწადში ერთხელ, როგორც წესი საგაზაფხულო სესიის პლენარულ სხდომების პირველ დღეს, იგი წარუდგენს პარლამენტს მოხსენებას ქვეყნის მდგომარეობის უმნიშვნელოვანეს საკითხებზე.

თანამდებობის დაკავების შემდგომ საქართველოს პრეზიდენტი სარგებლობს იმუნიტეტით. პრეზიდენტი ხელშეუვალია, თანამდებობაზე ყოფნის დროს და არ შეიძლება მისი დაპატიმრება ან სისხლის სამართლის პასუხისმგებლობა მიეცეს. საქართველოს პრეზიდენტს, როგორც სახელმწიფოს მეთაურს გააჩნია წარმომადგენლობითი უფლებამოსილებანი. პრეზიდენტი წარმოადგენს საქართველოს სახელმწიფოს ქვეყნის გარეთ და სხვა სახელმწიფოებთან და საერთაშორისო ორგანიზაციებთან ურთიერთობაში. იგი უფლებამოსილია საქართველოს სახელით აწარმოოს მოლაპარაკებები უცხოეთის სახელმწიფოებთან; მხოლოდ საქართველოს პრეზიდენტი უფლებამოსილი დადოს საერთაშორისო ხელშეკრულებები და შეთანხმებები საქართველოს სახელმწიფოს სახელით; პრეზიდენტი პარლამენტის თანხმობით ნიშნავს აგრეთვე საქართველოს ელჩებსა და სხვა დიპლომატიურ წარმომადგენლებს იღებს სხვა სახელმწიფოებისა და საერთაშორისო ორგანიზაციების ელჩებისა და სხვა დიპლომატიური წარმომადგენლების აკრედიტაციას. დებს კონსტიტუციურ შეთანხმებას საქართველოს სამოციქულო ეკლესიასთან.

აკაკი კუხალიშვილი

კონსტიტუციონალიზმის კვლევისა და ხელშეწყობის რეგიონალური ცენტრი, საერთაშორისო ურთიერთობებისა და სამეცნიერო კვლევების დეპარტამენტის სპეციალისტი

მუხლი 70

1. საქართველოს პრეზიდენტი აირჩევა საყოველთაო, თანასწორი და პირდაპირი საარჩევნო უფლების საფუძველზე ფარული კენჭისყრით 5 წლის ვადით. ერთი და იგივე პირი პრეზიდენტად შეიძლება აირჩეს ზედიზედ მხოლოდ ორჯერ.

2. პრეზიდენტად შეიძლება აირჩეს საარჩევნო უფლების მქონე საქართველოს მოქალაქე 35 წლის ასაკიდან, რომელსაც საქართველოში უცხოვრია 5 წელს მაინც და არჩევნების დანიშვნის დღემდე ბოლო 3 წლის განმავლობაში ცხოვრობდა საქართველოში. (15.10.2010. №3710).

3. პრეზიდენტობის კანდიდატის დასახელების უფლება აქვს მოქალაქეთა პოლიტიკურ გაერთიანებას ან საინიციატივო ჯგუფს. კანდიდატის წარდგენა დადასტურებული უნდა იყოს ამომრჩეველთა ხელმოწერებით ორგანული კანონით დადგენილი წესით, ორგანული კანონით განსაზღვრული ამომრჩევლების ხელმოწერების რაოდენობა არ შეიძლება იყოს ამომრჩეველთა რაოდენობის 1%-ზე მეტი. (12.03.2008. №5853).

4. არჩეულად ჩაითვლება კანდიდატი, რომელსაც ხმა მისცა არჩევნების მონაწილეთა ნახევარზე მეტმა. (06.02.2004. №3272).

5. თუ არჩევნების პირველ ტურში ვერც ერთმა კანდიდატმა ვერ მიიღო ხმათა საჭირო რაოდენობა, პირველი ტურის შედეგების ოფიციალურად გამოცხადებიდან ორი კვირის თავზე იმართება არჩევნების მეორე ტური. (27.12.2006. №4133).

6. არჩევნების მეორე ტურში კენჭი ეყრება პირველ ტურში უკეთესი შედეგის მქონე ორ კანდიდატს. არჩეულად ჩაითვლება ის კანდიდატი, რომელიც მეტ ხმას მიიღებს. (06.02.2004. №3272).

7. თუ არჩევნების პირველ ტურში მხოლოდ ერთი კანდიდატი მონაწილეობდა და მან ხმათა საჭირო რაოდენობა ვერ მიიღო, არჩევნების დღიდან ორი თვის ვადაში იმართება ხელახალი არჩევნები. (15.10.2010. № 3710).

8. საგანგებო ან საომარი მდგომარეობის დროს არჩევნები არ ტარდება.

9. პრეზიდენტის მორიგი არჩევნები ტარდება პრეზიდენტის უფლებამოსილების ვადის ამოწურვის კალენდარული წლის ოქტომბერში. არჩევნების თარიღს ნიშნავს საქართველოს პრეზიდენტი არჩევნებამდე არა უგვიანეს 60 დღისა. (27.12.2006. №4133).

10. ამოღებულია (15.10.2010. № 3710).

საქართველოს პრეზიდენტი არის საქართველოს სახელმწიფოს მეთაური. ის წარმართავს სახელმწიფოს საშინაო და საგარეო პოლიტიკას. პრეზიდენტი არის საქართველოს უმაღლესი წარმომადგენელი საგარეო ურთიერთობებში. საქართველოს პრეზიდენტი საქართველოს მთავრობასთან ერთად ახორციელებს საქართველოს აღმასრულებელ ხელისუფლებას. პრეზიდენტს ეხება საქართველოს კონსტიტუციის მეოთხე თავი. კონსტიტუციის 70-ე მუხლით განსაზღვრულია პრეზიდენტის არჩევის წესი.

საქართველოს პრეზიდენტობის კანდიდატის წარდგენის უფლება აქვს მოქალაქეთა პოლიტიკურ გაერთიანებას (პარტიას) ან ამომრჩეველთა ხუთ კაციან საინიციატივო ჯგუფს. საქართველოს პრეზიდენტობის კანდიდატის წარდგენა უნდა დადასტურდეს არანაკლებ 25 000 ამომრჩევლის ხელმოწერით. ცენტრალურ საარჩევნო კომისიაში რეგისტრირებულ პარტიას, ამომრჩეველთა საინიციატივო ჯგუფს უფლება აქვთ წარადგინონ საქართველოს პრეზიდენტობის თითო კანდიდატი.

საქართველოს პრეზიდენტობის კანდიდატს რეგისტრაციაში ატარებს ცენტრალური საარჩევნო კომისიის თავმჯდომარე და რეგისტრაციიდან 3 დღის ვადაში საქართველოს პრეზიდენტობის კანდიდატს აძლევს შესაბამის მოწმობას. საქართველოს პრეზიდენტობის კანდიდატს უფლება აქვს, ნებისმიერ დროს, კენჭისყრამდე არა უგვიანეს 10 დღისა, მოხსნას თავისი კანდიდატურა.

ხელახალი არჩევნები იმართება, თუ არჩევნების პირველ ან მეორე ტურში მონაწილე ყველა კანდიდატმა მოხსნა თავისი კანდიდატურა. ხელახალი არჩევნებს ნიშნავს საქართველოს პარლამენტი. ცნობა ხელახალი არჩევნების დანიშვნის შესახებ ქვეყნდება პრესითა და მასობრივი ინფორმაციის სხვა საშუალებებით.

საქართველოს პრეზიდენტის უფლებამოსილების ვადამდე შეწყვეტის შემთხვევაში რიგგარეშე არჩევნები ტარდება საქართველოს პრეზიდენტის უფლებამოსილების შეწყვეტის მომენტიდან არა უგვიანეს 45-ე დღისა. საქართველოს პრეზიდენტის რიგგარეშე არჩევნების თარიღს საქართველოს პრეზიდენტის უფლებამოსილების შეწყვეტის მომენტიდან არა უგვიანეს 72 საათისა ნიშნავს საქართველოს პარლამენტი.

მზია ფუტყარაძე

კონსტიტუციონალიზმის კვლევისა და ხელშეწყობის რეგიონალური ცენტრი, საერთაშორისო ურთიერთობებისა და სამეცნიერო კვლევების დეპარტამენტის სპეციალისტი

ქ.პაიუყი, საქართველო ა.შ.უწყამბეყიასი, ქ.№26
ტელ: (+995 32) 2 72 57 12; (+995 32) 2 72 57 21
WWW.CONSTCENTRE.GOV.GE

პალიდოლის ნაკრები

პირველი გვერდიდან

პირველ მეოთხედში ლატვიას იქვე, გამოტანის დროს ნაგარით ბურთი. ზაზა ფაჩულის ტრავმა აქვს და კაპიტანი ასი პროცენტით ვერ იწევა, ტკივილი დისკომფორტს უქმნის. გიორგი შერმადინი ოპტიმალურ ფორმაში ვერ არის. გიო მოუმატებს და ნაკლებს მოგვიხსნიან. უფრო აგრესიული იქნება თორნიკე შენგელია. უნდა იყოს. შენგელიას აგრესია, ენერჯის ტორნადო მოაქვს. ლატვიასთან თორნიკე ცოტა პასიური, რბილი იყო. ნორმალური პროცენტით (8/4 საშუალო, 2/1 სამიანი) გაუშვა ბურთი და მაინც ვერ იყო ბოლომდე დაქოქილი. შენგელია ჯდება და კოკოშკოვი დაბალი ხუთეულით (ცინცაძე, ჯეიკოპ პულენი, მანუჩარ მარკოიშვილი, სანიკიძე, ფაჩულია) აგრძელებდა თამაშს. ლატვიას ამ ხუთეულმა სერიოზული პრობლემები შეუქმნა. სისწრაფით ლატვიას პერიმეტრზე ვაჩერებდით და პროთეზს ვაცლიდით.

ფაჩულიამ ლატვიას თავიდან წამოარტყა, ლატვიის ცენტრებმა ფოლბი აიკიდეს და ზაზა იქ ბაობაბივით იდგა. ლატვიამ ოდნავ შეცვალა თამაში და ცენტრები პერიმეტრზე ამოწმეს. პერიმეტრზე ამოდიოდა ზაზაც და სამანამიანში ჩასვლას ვერ ასწრებდა. ლატვიის სლესერებმა რამდენიმე ეფექტური შესვლით შეცვალეს ტემპი. ფაჩულია მაინც კარგი იყო. ზაზამ სანდო, თავისი კალათბურთი ითამაშა. 13/7 ზუსტი სროლა მშვენიერია. 6 შეცდომა ბევრია. ტრავმის გათვალისწინებითაც ბევრია.

არაჩვეულებრივი იყო მარკოიშვილი. 19 ქულა სოლიდურია და უფრო სოლიდური იყო მანუს დაცვა. 5 ჩაჭრა, თითქმის იდეალური დაცვა ლატვიის ლიდერზე, მისტერ კუკსიქსზე, რომელმაც არასრულ 26 წუთში 8 სროლიდან 5 სხვაგან გაუშვა. მანუ იმ ეპიზოდებში აკრიფა, ლატვიამ რომ დაქაჩა და სამიანების სერია გაუშვა. მარკოიშვილი - The MAN.

ბოლო წუთებზე ოლივერ სთოუნის ამბები წავიდა.



მანუჩარ მარკოიშვილმა 19 ქულა აიღო

ძირითადის დასრულებამდე რჩება სამი წუთი და ვიგებთ 12 (76:64) ქულას.

წავიდა ლატვიის სერია - ბერზინის სლემი, შტრელნიექსის სამიანი, შტრელნიექსის საშუალო, ბერზინის საშუალო და შტრელნიექსის 2+1. ლატვიამ დაქაჩა და მერე ჩვენი კიდევ ერთი შეცდომა წამოვიდა.

მერე ლატვიამ, მეიერისმა საჯარიმოები ვერ გამოიყენა, ბურთი მოხსნა მისტერ პულენმა, გახედა კოკოშკოვს, დააკაკუნა და სამიანი გაუშვა. პულენის ბოლო აკორდით მთელი ეს გაუგებარი და საინტერესო როკ ოპერა მორჩა. 79:76. მოვიგეთ.

ეს ნაკრები იგებს მარაგით და ამ ნაკრებთან მეგობრობა ვალუკორდინის დიეტაა. უბრალოდ, არ ვაგებთ და ეს სასიამოვნოა.

ნაკრები იგებს და ამ შესარჩევში, იდეაში, არ უნდა წაგოს. რუმინეთში და ჰოლანდიაში თუ არ ვიცვლევთ, ევროპის ჩემპიონატის ვიზა აღებული გვაქვს.

D ჯგუფი

საქართველო (3:0)-ლატვია (2:2) **79:76**
21:20, 20:16, 23:17, 15:23

საქართველო: მარკოიშვილი (19+5 მ+5 ჩ+4 პ), ფაჩულია (18+9 მ), შენგელია (12+5 მ+2 დ), სანიკიძე (10+5 მ+2 პ), ცინცაძე (9+7 მ+7 პ+3 ჩ), პულენი (9+5 პ+2 მ), შერმადინი (2+3 მ), ბოისა.

ლატვია: შტრელნიექსი (22+6 ჩ+2 მ), კბერზინი (14+11 მ+4 დ), დბერტანსი (13+3 მ+3 პ), კუკსიქსი (7+2 მ+2 პ), ფრეიმანისი (5), მეიერისი (5+4 მ), იერომაიონისი (4+3 ჩ), შელაკოვსი (2+2 მ+2 ჩ), ვეცვაგარსი (2), აბერზინსი (2+4 მ).

რუმინეთი (1:2)-ბოსნია (3:1) **79:84**
22:25, 10:27, 25:23, 22:9

რუმინეთი: მოლდოვეანუ (25+11 მ), მანდაჩი (11+6 პ+2 მ), ნიჩოარა (10+10 მ+3 პ), დრაგუშინი (10+3 მ).

ბოსნია: ტელეტოვიჩი (21+9 მ), კიკანოვიჩი (21+7 მ), დედოვიჩი (17+7 პ+4 მ), მაშიჩი (12), რაითი (5+8 პ+5 მ).

გამომცემლობა ინტელექტი გთავაზობთ

ერთი შედეგის ყველა ქართული თარგმანი

მსოფლიო კლასიკოსები და ქართველი მთარგმნელები
შედეგების თარგმნის უწყვეტი ტრადიცია

მრავალტომიანი

დაგვიკავშირდით:
თბილისი,
ილია ჭავჭავაძის გამზ. N5
ტელ: (+995 32) 2 25 05 22
(+995 32) 2 47 55 54
intelekti@caucasus.net
info@intelekti.ge
www.intelekti.ge

www.intelekti.ge

